

Här Fernand Etgen  
President vun der Deputéiertechamber  
19, um Krautmaart  
L-1728 Lëtzebuerg  
Lëtzebuerg, den 20. Oktober 2021

Här President,

Sou wéi den Artikel 81 vum Chambersreglement et virgesäit, bieden ech lech, dës dréngend parlamentaresch Fro un den Här Policeminister weiderzeleeden.

Wéi aus Sécherheetskriser ze héieren ass, bereet d'Police sech fir e Freideg den 22. Oktober massiv op eng grouss Manifestatioun vu polnesche Kueleminnenaarbechter virum Gebai vum Europäesche Geriichtshaff um Kierchbierg, well dësen iwwert eng potenziell Schléissung vun hirer Aarbechtsplaz muss decidéieren. No mengen Informatiounen befénnt d'Police sech an héijer Alarmbereetschaft, well si fir de Fall, datt d'Urteil net am Sënn vun den Interesse vun de genannten Aarbechter ausfällt, mat sozialen Onroue rechent.

An deem Zesammenhang géif ech dem Här Policeminister gär dës dréngend Froe stellen:

- 1) Kann den Här Minister dës Informatiounen confirméieren? Wa jo, wéi reagiert hien dorop?
- 2) Steet d'Police hei am Austausch mat de polneschen Autoritéiten, fir eventuell problematesch Einzelpersounen am Virfeld ze identifizéieren?
- 3) Verfüügt d'Police iwwer genuch Personal fir dës Manifestatioun ze encadréieren a gläichzäiteg hiren aneren Aufgaben nozegoen? Wann net, gouf Ënnerstëtzung aus dem Ausland ugefrot?

Mat déiwem Respekt,



Fred Keup  
Deputéierten



LE GOUVERNEMENT  
DU GRAND-DUCHÉ DE LUXEMBOURG  
Ministère de la Sécurité intérieure

**Äntfert vum Här Henri Kox, Minister fir bannezeg Sécherheet op d'parlamentaresch Fro n° 5126 vum 20. Oktober 2021 vum honorabelen Députéierten Fred Keup**

**Ad 1.):**

Déi polnesch Kueleminen-aarbechter hu géint een Uerteel protestéiert dat den Europäesche Geriichtshaff scho gehol hat. Am Virfeld vun där Manifestatioun war de Minister a regelméissegem Austausch mat den zoustännege Police-Autoritéiten fir sech e Bild iwwert d'Virbereedungen kënnen ze maachen. Dank där virbildlecher Planifikatioun ass déi ganz Manifestatioun friddlech a roueg verlaf.

**Ad 2.):**

D'Police war am Austausch mam Organisateur an de polneschen Autoritéiten, fir am Virfeld all méiglech Erkenntnisser ze gewannen, dorënner och Informatiounen zu de méigleche Sécherheitsrisiken.

**Ad 3.):**

Fir souwuel d'Manifestatioun kënnen ze encadréieren wei och deenen aneren Aufgaben nozekommen, ass bei de belschen Kollegen Ënnerstützung gefrot ginn am Kontext vun der Ofsécherung vum Perimeter ronderëm den europäeschen Geriichtshaff. Dëst ass eng gängeg a generell Praxis, déi duerch de BENELUX-Traité am Kader vun der coopération policière méiglech ass.

Lëtzebuerg, den **08 NOV. 2021**

Den Ministère de la Sécurité intérieure

Henri KOX